



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-776-7/24 – ME/ES

Tuzla, 08.05.2024. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za javne nabavke iz Zapisnika o pregledu i ocjeni ponuda broj: 03-11-7-776-5/24 – ME/ES od 07.05.2024. godine, donosi se

## **O D L U K A**

### **o izboru najpovoljnijeg ponuđača u postupku javne nabavke usluga održavanja računara i računarske opreme**

#### **Član 1.**

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljniji ponuđač u postupku javne nabavke usluga održavanja računara i računarske opreme bira NEONETX d.o.o. Tuzla sa cijenom ponude u iznosu od 178.577,11 KM bez PDV-a odnosno 208.935,22 KM sa PDV-om.

#### **Član 2.**

Ova Odluka dostavlja se svim ponuđačima koji su učestvovali u predmetnom postupku javne nabavke, u skladu sa članom 70. stav (2) Zakona o javnim nabavkama.

#### **Član 3.**

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa ([www.zzotk.ba](http://www.zzotk.ba)) istovremeno s upućivanjem ponuđačima koji su učestvovali u postupku javne nabavke.

#### **Član 4.**

Odluka stupa na snagu danom donošenja

### **OBRAZLOŽENJE**

Postupak javne nabavke usluga održavanja računara i računarske opreme, pokrenut je Odlukom o pokretanju postupka javne nabavke, broj: 03-11-7-776-1/24 – EP/ES od 05.04.2024. godine.

Postupak javne nabavke proveden je putem otvorenog postupka, za koji je u informacionom sistemu "e-nabavke", dana: 08.04.2024. godine objavljeno Obavještenje o nabavci: 793-1-2-27-3-54/24.

Sažetak obavještenja o nabavci objavljen je u "Službenom glasniku BiH" broj: 25/24.

Procijenjena vrijednost predmetne nabavke iznosi 179.487,18 KM.

Rok za dostavljanje ponuda isticao je 30.04.2024. godine, do 11:00 sati.

Javno otvaranje ponuda održano je dana 30.04.2024. godine, u 11 sati i 30 minuta, u prostorijama Zavoda (Franjevačka broj 36., 75000 Tuzla).

Ponude su dostavljene od sljedećih ponuđača:

1. NEONETX d.o.o. Tuzla sa cijenom ponude u iznosu od 178.577,06 KM
2. ARTCO GROUP d.o.o. Sarajevo sa cijenom ponude u iznosu od 179.460,05 KM

Prilikom pregleda i ocjene ponuda utvrđeno je sljedeće:

➤ NEONETX d.o.o. Tuzla

- Uvidom u ponudu ponuđača NEONETX d.o.o. Tuzla, prilikom računске kontrole, Komisija je utvrdila računsku grešku u Obrascu za cijenu ponude (Aneks 3), odnosno utvrđena je greška prilikom sabiranja stavke „Ukupna cijena bez PDV-a (1+2+3+4)“. Nakon računске kontrole, utvrđeno je da ukupna cijena bez PDV-a iznosi 178.577,11 KM a ne 178.577,06 KM kako je navedeno u dostavljenom obrascu (Aneks 3).

Dana 06.05.2024.godine (*putem pošte i mailom*) upućen je Zahtjev broj:03-11-7-776-4/24-ES/ES kojim se od ponuđača NEONETX d.o.o. Tuzla zahtijeva prihvatanje ispravke računске greške. Ponuđač NEONETX d.o.o. Tuzla je dana 06.05.2024.godine, mailom a dana 07.05.2024.godine i putem pošte, ovom Ugovornom organu dostavio Izjavu o saglasnosti i prihvatanju ispravke računске greške kao i Obrazac za cijenu ponude sa izvršenom korekcijom iznosa.

Komisija je stava da je nakon izvršene korekcije Obrasca za cijenu ponude (Aneks 3), ponuda ponuđača NEONETX d.o.o. Tuzla **PRIHVATLJIVA**.

U skladu sa članom 17. stav (6) Uputstva za pripremu modela tenderske dokumentacije i ponuda ("Službeni glasnik BiH", broj: 90/14), odgovor/saglasnost je sastavni dio Zapisnika o pregledu i ocjeni ponuda.

➤ ARTCO GROUP d.o.o. Sarajevo

- Uvidom u ponudu ponuđača ARTCO GROUP d.o.o. Sarajevo utvrđeno je: Ugovorni organ je u Tenderskoj dokumentaciji, tačka 5.4.2. pod a) propisao da će se „Ocjena tehničke i profesionalne sposobnosti ponuđača iz tačke 5.4.1. pod a) TD vršiti na osnovu dokaza i to:

a) Spisak izvršenih ugovora o pruženim uslugama koje su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno ugovore kako slijedi:

- ugovor o instalaciji i konfiguraciji serverske infrastrukture sa SAN switchevima ili ugovor o instalaciji i konfiguraciji serverske infrastrukture sa storage-om, i
- ugovor o instalaciji i konfiguraciji servera na VMWARE tehnologiji.

NAPOMENA: Uz spisak izvršenih ugovora ponuđač je dužan dostaviti i najmanje 2 (dvije) Potvrde, kako slijedi:

- Potvrdu o urednom izvršenju ugovora o instalaciji i konfiguraciji serverske infrastrukture sa SAN switchevima ili ugovora o instalaciji i konfiguraciji serverske infrastrukture sa storage-om
- Potvrdu o urednom izvršenju ugovora o instalaciji i konfiguraciji servera na VMWARE tehnologiji.

Ponuđač ARTCO GROUP d.o.o. Sarajevo je dostavio Spisak uspješno izvršenih ugovora u kojem su navedeni ugovori:

1. Isporuka i montaža opreme za opremanje Općinskog operativnog centra Civilne zaštite Travnik,
2. Isporuka i montaža opreme za opremanje Općinskog operativnog centra Civilne zaštite Travnik,
3. Održavanje računarskih mreža i sistemskog softvera
4. Isporuka i implementacije mrežne i pasivne oprema, kao i instalacija i konfigurisanje aktivne mrežne opreme,
5. Održavanje opreme Vmware.

Uvidom u dostavljeni spisak, Komisija je utvrdila je da se ništa od navedenog ne odnosi na Ugovor o instalaciji i konfiguraciji serverske infrastrukture sa SAN switchevima ili Ugovor o instalaciji i konfiguraciji serverske infrastrukture sa storage-om i Ugovor o instalaciji i konfiguraciji servera na VMWARE tehnologiji, a kako je traženo tenderskom dokumentacijom.

Komisija je utvrdila da je ponuđač ARTCO GROUP d.o.o. Sarajevo, dostavio Potvrde o uspješnoj realizaciji ugovora kako slijedi:

1. Potvrda o uspješno realizovanom ugovoru broj:01-04-24-4907/23 izdata od strane Općine Travnik u kojoj je između ostalog navedeno da se radi o isporuci i montaži opreme (*radio komunikacijska oprema, mrežna oprema*),
2. Potvrda o uspješno realizovanom ugovoru broj:04-24-4-907/23-1 izdata od strane Općine Travnik u kojoj je između ostalog navedeno da se radi o isporuci i montaži opreme (*radio komunikacijska oprema, mrežna oprema*),
3. Potvrda o dobrom izvršenju posla izdata od strane FixIT d.o.o. u kojoj je između ostalog navedeno da se radi o održavanju računarskih mreža i sistemskog softvera,
4. Potvrda o uspješno realizovanom ugovoru izdata od strane Gama System d.o.o. u kojoj je između ostalog navedeno da se radi o isporuci i implementaciji mrežne i pasivne opreme, kao i instalacija i konfiguracija aktivne mrežne opreme,
5. Potvrda o uspješno realizovanom ugovoru izdata od strane Gama System d.o.o. u kojoj je između ostalog navedeno da se radi o održavanju opreme Vmware.

Uvidom u dostavljene Potvrde, Komisija nije utvrdila da su ispunjeni uslovi kojom je Ponuđač bio u obavezi dostaviti:

- Potvrdu o urednom izvršenju ugovora o instalaciji i konfiguraciji serverske infrastrukture sa SAN switchevima ili ugovora o instalaciji i konfiguraciji serverske infrastrukture sa storage-om.
- Potvrdu o urednom izvršenju ugovora o instalaciji i konfiguraciji servera na VMWARE tehnologiji.

Iz svega navedenog Komisija je stava da je ponuda ponuđača ARTCO GROUP d.o.o. Sarajevo **NEPRAVILNA** jer ista nije u skladu sa Tenderskom dokumentacijom i uslovima za ocjenu tehničke i profesionalne sposobnosti ponuđača.

Nakon pregleda i ocjene ponude, sačinjen je Zapisnik o pregledu i ocjeni ponuda broj: 03-11-7-776-5/24-ME/ES od 07.05.2024. godine, koji sadrži sve elemente i obrazloženja u vezi pregleda i ocjene ponuda dostavljenih u predmetnom postupku javne nabavke, kao i Preporuku Komsije za javne nabavke ovom Ugovornom organu da donese Odluka o izboru najpovoljnijeg ponuđača

kojom se bira ponuđač NEONETX d.o.o. Tuzla sa cijenom ponude u iznosu od 178.577,11 KM bez PDV-a odnosno 208.935,22 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir sve naprijed navedeno, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od deset (10) dana od dana prijema ove Odluke.

**Dostavljeno:**

1. Ponuđačima (s dostavnicom)
2. a/a



**DIREKTOR**

**Doc. dr. sc. Denis Husić, dipl. pravnik**